

FAVENTE JEHOVAH
DISPUTATIO PHYSICA

Dicitur
T E R R A
Quam.

Cum Amplissimae, in Nova & Regia Academia C H R I -
S T I N E A, quæ Abogia est, Facultatis Philosophicæ
consensu ac approbatione, Examini
subjicit publico

M. SVENO L. FOLKENIUS
NERICIENSIS.

Respondente

J O H A N N E L. K L I N G I O
S. R. M. tis Stipend. Nerichiâ-Sveco.

Ad diem 21. Martij Anni 1646. In Auditorio
Majori, horis antemeridianis consuetis.

Psal. 24, 1.

Domini est Terra, & plenitudo ejus, orbis terrarum, & uni-
versi qui habitant in eo.

Item 2. Paral. 16, 9.

Oculi Domini contemplantur universam terram.

A B O Æ,

Excudebat Petrus Wald / Acad. Typogr. 1646.

1700-1800
1800-1900
1900-2000

Prodromus.

TRACTATIO de Terra matre omnium ut aspectu pulcherri-
ma, ita indagine mentis dignissima: Quid enim pulchrius,
quid suavius ac utilius esse potest quam Elementi istius aliquam-
lem habere cognitionem, ex quo quis nascitur, alitur, in quo vi-
vit, per quod reficitur, & in quod tandem revocatur & recondi-
tur. Aqua & subeunt in imbræ dicente Plinio lib. 2. c. 63. rige-
scunt in grandines, tumescunt in fluctus, precipitantur in tor-
rentes: Aër densatur nubibus furit procellis. At Terra benigna,
mitis, indulgens, ususq; mortalium semper ancilla, qua cuncta ge-
nerat, qua sponte fundit, quos odores, saporesq; ! quos succos! quos
tactus! quos colores! quam bona fide creditum fœnus reddit!
Quæ omnia nostri causa alit. Verum cum priori anno de cor-
pore naturali cœlesti publicè differuimus, haud in conveniens vi-
detur, si præsentis anni curriculo (juxta ordinem creationis Gen.
1. v. 1.) In principio creavit Deus cælum & terram) materiam
de Terra sub incudem Disputationis revocaverimus. Impri-
mis v. Deum fontem omnis sapientia & intelligentia pro felice
succesu de votè sequenti hoc disticho rogamus, quò dignetur co-
natui nostro ex alto benedicere nobisq; suâ gratiâ adesse;

Altitonans aëtus, rege consilio optime nostros,

Hocce opus ut laudi serviat omne tuæ.

THESSIS I.

Verē dicitur à Philosophis, quod natura sive es-
sentia alicujus rei investigetur tam per Defini-
tionem quam per Divisionem: Definitionem

quod attinet, duplex nobis occurrit perpendenda nomi-
nis & Rei. Sed cum omnis cognitio sit ex prae-
cognitione nominis, idcirco Onomatologia seu Defi-
nitio nominalis tria nobis exhibens, utpote Etymolo-
giā, Homonymiā & Synonymiam, praemittitur.

II. I. Etymologia sive notatio; vox Terræ
alijs derivatur à tero quod teratur; alijs v ab inusitato
vocabulo teretudine seu rotunditate dicitur.

III. II. Homonymia matrix illa errorum ē
voce terræ excutienda venit, cum nihil sit quod magis
impedit rerum intelligentiam ac equivocatio. Acci-
pitur Terra vel Theologicè vel Philosophicè.
Theologicè sumitur 1. Pro contento in terra, ut
Gen.6. Corrupta est terra coram Deo, &c. 1. Pro eo
quod ex terra ortum est. Ut Gen.3,19. Terra es & in
terram reverteris. 3. Pro æterna beatitudine, quæ
dicitur terra nova, terra viventium. Esa.66,27. 2.
Pet.3. Apoc.21. Psal.27. & 126. Philosophicè ac-
cipitur 1. Vulgariter pro regione aliqua particulari,
ut Terra Svecica, Fennonica, Germanica, &c. 3. Me-
taphorice pro abjecta familia, unde terræ filij olim
dicebantur, qui ex obscurō & ignoto genere fuerunt
prognati. 3. Geographicè pro globo aquam simul
cum terra complecente. 4. Physicè 1. Pro corpore
fossili, quod de natura minerali participat & à succis
& distinguitur quale est creta, terra sigillata, &c. 2.

Pro,

Pro corpore simplici vix. Elemento terra, à reliquis separato, quæ acceptio hujus est loci propria.

IV. III. Synonymia. Terra alijs nominibus apud Philosophos insignitur. 1. Mater magna, quod germina, plantæ &c. Ex ea nascatur, quod nos nascentes excipiatur, natos alat, denatos novissimè ut mater operiat & in gremio suo q: fovent. 2. Vesta quia exterius varijs floribus, herbis, arboribus, frugibus &c. q: vestiatur, vel quia vi sua stet. juxta Ovid.

Stat vi terra sua, vi stando Vesta vocatur.

3. Bona quod omnia ad victimum, bona ferat. 4. Fauna, quod fareat omnium animantium usui. 5. Omnium Philosophorum consensu vocatur Terra orbis, ob rotunditatem suam. Unde Imperatoribus & Regibus tanquam insigne præfertur pomum rotundum, ut significetur eos Terræ, quæ rotunda est, dominari.

V. Hæc de Onomatologia dicta sufficient; Nunc v. properamus ad Pragmatologiam.

VI. Terra est Elementum firmissimum, crassissimum & gravisimum, frigidum atq. siccum, à Deo ex nihilo creatum, inq. medio mundi immobile collocatum; ut sit matrix ac domicilium corporum mixtorum animatorum & inanimatorum. Hæc data Definitio commodissimè in Genus & Differentiam resolvitur.

VII. Generis loco ponitur Elementum. Quod a. Terra sit Elementum hoc Syllogismo probari potest. Cui convenit Definitio ei etiam definitum; at Definitio elementi convenit terræ & definitum. Major est Ca-

non Logicus Minor v. sequenti robatur prosyllogismo: Elementum est corpus naturale simplex homogeneum sub cœlo contentum &c. Atq; terra est corpus naturale simplex homogeneum sub cœlo contentum E. est Elementum.. Minor hujus Prosylogismi confirmatur sequentibus rationibus 1. Corpus est Terra, quia constat ex materia & forma. 2. Naturale, quia natura gaudet. 3. Simplex dicitur non quod careat materia & formâ, sed quod non ex alijs speciebus corporis naturalis sit compositum, in quas dissolvatur.

VIII. Altera pars definitionis est Differentia, quæ è causis & affectionibus desumitur. Causæ duplices sunt 1. Externæ, ut efficiens & finis. 2. Internæ, ut materia & forma; de quibus in sequenti sermo erit.

IX. 1. Efficientem causam terræ infallibiliter asserimus esse Deum, à quo omnia creatæ sunt, attestante scripturâ S. Gen. 1,2. In principio creavit Deus cœlum & terram. Psal. 134. v. 3. Benedic tibi Iehova è Tzijone, qui fecit cœlum & terram.. Plura parallela loca ad ferre non ducimus necessarium, cum nemini Christianorum dubium esse possit, quin Deus sit creator Terræ, &c.

X. 2. Altera causa externa occurrit, quæ est finis. Terram ob finem aliquem creatam esse nemini ambiguum esse potest. Finis enim movet efficientem ad agendum, unde si terra causam efficientem habeat

beat, finem quoque habebit; alias frustra ageret causa efficiens, quod nequaquam de Deo dicendum est. Finis a. Terræ duplex constitui potest; ultimus nimicum &c subordinatus. Ultimus est ipsius Dei gloria, si enim totum hoc universum, idcirco & terra ad gloriam ipsius declarandam tendit. Prov. 16, 4. Universa propter semetipsum operatus est Dominus. Subordinatus finis esse potest vel Generalis seu communis, vel proprius.

XI. 1. Communis est, ut cum cœlo & reliquis Elementis universi machinam absolvat ac compleat, sitque materia corporis mixti. 2. Proprius, ut sit subiectum suarum affectionum, ultimoque tandem, ut sit sedes omnium rerum gravium nempe sublunarium.

XII. Internæ cause Essentiam conjunctim non disjunctim dantes sequuntur, quarum prima est Materia, de qua varias fovent opiniones Philosophi. Quod autem concernit Materiam terræ constituendæ assertimus illam nullam fuisse: juxta illud: Materiam noli quærere nulla fuit. Terram v. constitutam sive creatam materiam habere in dubium non vocatur, cum omne corpus naturale materiam habeat; terra est corpus naturale & major patet quia materia & forma sunt cause corporis naturalis. Minor inde probatur, quia terra est substantia, at si est substantia, erit vel spiritus vel corpus, non Spiritus & corpus. Unde

desiquet terram esse substantiam & quidem comple-
tam. Præterea, quidquid quantum est, id materiam
babet, terra est quanta E. Propositio liquet, quantitas
enim materiam insequitur; Assumptio est per se cla-
ra. Hactenus probatum dedimus Terræ materiam
dari, quænam a. & qualis illa sit, in subsequenti sollici-
ti erimus.

XIII. Materiam Terræ quod spectat ostendit sacer
codex terram primo quidem & immediate ex ni-
hilo esse creatam. Gen. i, v. 1. In principio creavit
Deus cœlum & terram. Rom. 4. v. 14. Deus creavit ea
quæ non sunt sicut ea quæ sunt. Heb. 11, 3. Fide intelligim⁹
coagmentata esse secula verbo Dei, quæ sententia m.
in prisca Iudeorum Ecclesia recepta fuit; uti apparet
ex 2. Macab. lib. c. 7. v. 28. Ubi mater alloquitur fi-
lium suum; peto à te filii inquit, ut respiciens in cœlum
& terram, & videns omnia, quæ in ejis sunt, agnoscas
Deum hæc fecisse ex ijs quæ non erant & humanum
genus ita factum esse. Compositionis v. materiam
quod attinet, dicimus illam esse simplicem & puram
materiam cuius essentiam nulla ingreditur forma.

XIV. Altera causa interna est ipsa Forma, quæ
substantialis & propria recte statuitur, per quam ter-
ra est id quod est, & à cæteris Elementis alijsq; rebus
distinguitur, quænam autem & qualis illa sit, non po-
test ab infirmitate intellectus nostri declarari, cum nul-
la forma substantialis per se incurrat in sensum, & ni-

bil sit in intellectu, quod prius non fuerat in sensu: Hinc itaq; Formam per propria nonnulla accidentia nobis notiora describimus quæ accidentales formæ nuncupari possunt, quatenus formam nos latentem quodammodo demonstrant & terram ab alijs Elementis secundario distinguunt.

XV. Hactenus de causis Terræ tam externis quam internis actum est, nunc ejus affectiones delibandaæ, succedunt.

XVI. 1.ma Affectione est Firmitas. Maximè firma est Terra, quia omnium animantium, plantarum, arborum, Metallorum, aquarum, aliorumq; corporum sedes ac firmamentum est: Nihil stabile in undis, procumbunt arbusta, titubant virgulta, cunctaq; minitantur ruinam. Terra sola fulcrum existit, quo tuto onera ac moles corporum & animalium sustinentur. Aves non modo pedes in ramulis vel surculis figentes deprehendimus titubare, & haud recte stare talo; Verum etiam alia mobilia mobilibus innixa lapsu ruere præcipiti. Nec non in lutosa humo aut rupta glacie, si quis incedit, labitur, cum nulla fermè in hisce firmitas detur cui innitantur. Firmitas itaq; Terræ adscribitur maxima, ut quieti & motui corporum idonea sit.

XVII. Altera affectione terræ, est crassities & quidem summa, liberum enim alijs corporibus transitum negat, crassa quidem est aqua cedit tñ. piscibus cedit na-

vibus & hominibus. Sola terra cedere nescit, ac fortissima robora sustentat, ipsæ quoq; atomi terræ cum alijs aliorum Elementorum atomis collatae semper crassiores existunt.

XVIII. Tertia occurrit affectio gravitas v.z. summa, cum ad intimum locum delabi contendat, & infra aquas demergatur. Portio terræ immissa aquæ fundum petit, ut experientia dicitat, per cavernam terræ missa deorsum labitur adusq; tendendo deorsum & ad centrum terræ inclinando. Quod a. in superficie superiore multa gravia quiescant ex impedimento est & sustentaculo, quo remoto quodvis ad imum pergit. Penus etiam seu promptuarium fertilissimum, atomos igneas, aqueas sulphureas aliaq; id genus suo coeret sinu. Omnis generis Metallis lapidibus, gemmis, plantis & animalibus onusia est. Luxuriant montes, campi; colles valles & convalles, innumerag; subinde parturiunt mira naturæ miracula.

XIX. Quarta est Frigiditas, de quâ inter Philosophos haud levis est controversia, quidam enim contendunt Terræ summam competere frigiditatem, aquæ v. remissiorem: Illi hoc præsertim trimembri utuntur Syllogismo: Quod est 1. gravissimum. 2. à fonte caloris remotissimum 3. & ad ignem extingendum aptissimum, illud est frigidissimum. At terra talis est. E. Verum quod spectat hunc Syllogismum tribus medijs terminis constantem, putamus illum non esse magni ponderis & momenti, & quidem imprimis ad primum mem-

membrum respondemus, quod sibi constare non potest.
Gravia quamvis corpora nonnulla sint, non protinus
frigida, sicut nec levia calida. Levem deprehendi-
mus nivem, nec tñ. propterea calidam; Gravem sci-
mus hominem esse nec tñ. frigidum. Papyrus cum
comburitur levissima remanet materia, quæ, tñ. cali-
dissima non est. Pulvis est levis & tñ. non calidus.
Deinde ad alterum membrum syllogismi respon-
detur negando: Quod à sole est remotissimum illud
nō statim est frigidissimum: Sol n. calefacit non forma-
liter sed effectivè non in Sole sed à sole calor est. Ve-
luti non in vino sed à vino ebrietas. Per Instantiam,
m. responderi potest; Media aëris regio soli propin-
quior est quam infima & tñ. non est calidior. Ter-
tium deniq; membrum à nobis ita resolvi potest,
dicendo non omne illud quod ignem extinguit frigidum
esse. Ventus n. quantumvis calidus & siccus flam-
mam extingvit. Fumus calidus & siccus candelam.
Flamma major, flammarum minorem; Proinde hoc
membrum non procedit. Aqua n. longè aptior est ad
extinguendum ignem, quam terra. Quod a. ignis
terra extinguatur id magis suffocationi quam ejus fri-
giditati adscribendum est quæ ratio vulgari experi-
mento robatur, ligna n. arctius lignis accensis appo-
sita in fornace ignem extingvunt. Proinde sensum
dimittere in ijs, quæ sensibus manifesta sunt, &

rationem quæfere infirmitas intellectus est. Sed cum sensus testentur aquam magis frigefacere quam terram; unde pro primo & ad equato frigoris subiecto aquam agnoscimus. Quomodo quæsumus? Si terra frigidissima esset, ad usum, habitationem animantium in ea degentium apta & accommoda foret, cum vita animantium consistat in calore, cui excessus frigiditatis maximè contrariatur. Quomodo in terra conservarentur tempore brumali rapæ, olera & id genus alia si frigidissima esset.

XX. Quinta affectio Terræ, est siccitas. Existimant nonnulli Philosophi Terram esse Elementum Siccissimum quia suis ajunt terminis continetur facilimè, alienis v. difficilimè; Nos v. statuimus eorum probationem haud magni ponderis esse, deprehendimus n. ignem, qui siccus est imò siccissimus, termino proprio difficilimè terminari. unde male è ratione termini siccitas definitur. Termini nunquam propter qualitates, sed propter quātitatem corporibus tribuuntur. Si corpora propter humiditatem termino proprio difficulter terminantur, alieno verò facile, cur ignis, qui humidus non est, difficilimè termino proprio terminatur, alieno facile? Nos quidem non negamus Terram esse siccam, verum non siccissimam, quæ qualitas igni competit, ignis n. maximè exsiccat. Unde tale nec titur argumentum.

Quid.

Quidquid maximè exsiccat illud est siccissimum, as
ignis maximè exsiccat E. est Elementum siccissimum.
Major probatur. Omnis n. operatio arguit for-
mam. Minor constat experientia.

XXI. Sexta affectio est Figura, quam sphæricam
terræ adsignam⁹, suffulti sequentib⁹ rationib⁹. I.
Si ab arctico sive meridie progrediamur versus se-
ptentrionem manifestò alium Horizontem conspi-
cimus, & stellæ, quæ propè meridiem lucebant, inci-
piunt occultari. Contra, ad septentrionalem plagam
incipiunt novæ stellæ apparere, quæ antea latitabant.
Hoc a fieri non posset, nisi Terra esset rotunda: illud
etiam inditum est firmum, quod stellæ citius oriuntur
& occidunt orientalibus, quam occidentalibus, illisq;
prius quam his dies illucescit & nox ingruit.

Deinde apparet in Eclipsi lunari, quæ fit ab umbra ipsi⁹
Terræ; qualis namq; est umbra, tale etiam est corpus; ut si um-
bra sit rotunda, etiam corpus est rotundum; & si est quadrata,
etiam corpus est quadratum. At umbra Terra quæ impedit &
aufert luna lumen in Eclipsi, est sphærica. E. & ipsa Terra est
sphærica. Præterea rotunditatem terræ approbant fermè o-
mnes Philosophi, ut indigitavimus in Thesi 4. Quartum de-
nig; argumentum firmissimum Sacer codex nobis suppeditat
Ezai. 40, 22. Sedens inquit super globo terræ id est.
Sphæra, gyro vel circulo.

XXII. Neque rotunditatiterre officiunt altis-
simi montes, valles & speluncarum concavitates, quia
terram hic non secundum partes singulas, sed secun-
dum

dum se totam tractamus. Et sic respectu globi terre-
ni sunt instar rimulae & minimae arenulae ad magnum
globum artificiale collatae. Hinc liquet Terram
sphaericam esse 1. Non secundum Geometras,
qui omnimodam & planè perfectam rotunditatem ob-
servant, ex eo quod omnes linea ductæ à centro ad peri-
pheriam sint æquales. In Terra a. ejusmodi rotundi-
tas inveniri nequit, ob montes altius exsurgententes quam
valles, unde linearum nascitur inæqualitas. 2. Sed se-
cundum Astronomos rotunditatem latè & minus
exactè perpendentes. Sic dicimus aliquem for-
mosam esse facie quamvis habeat verrucam: imò rotun-
ditatem non vitiant, Musca rotundo corpori insidens,
clavus rotæ infixus, sutura eminens in pila; idem esto
judicium de montibus, qui respectu terræ sunt instar
puncti.

XXIII. Nec sicco pede transire possumus, quod
quidam Philosophorum existiment valles & montes in
tempore diluvij primum esse genitos, eò quod tum terra
sit rupta & subducta ab aquis in mare præcipitantibus,
at qui sic ante diluvium terram fuisse perfectè rotun-
dam arbitrantur; nostro v. seculo non sic. Quo-
rum sententiam improbamus, cum apertissima habea-
mus S. Scripturæ dicta, testimonium perhibentia mon-
tes ab exordio mundi crestos esse. Ut Gen. 7,20. Gen.
8,v. 4.5. & Ps. 90,2. Quis enim credat homines bestiasq;
ante diluvium montibus planè caruisse, cum non solum faciant ad

ornatum totius universi, verum etiam multiplices maximeq; necessarias utilitates habeant; conferunt enim ad cibendum impetum ventorum, ad arcendos mariis & fluviorum influxus, nec non ad rerum, quae in terra nascuntur copiam, &c. Observandum tamen est, nos non inficias ire cœpisse novos quosdam montes tempore diluvij, & adhuc existere posse per maximam aquarum inundationem; Sed hinc non sequitur, quod nulli montes ante diluvium extiterint.

XXIV. Septima affectio est. Situs & positio terræ. Terram dicimus in medio universitatem esse, & in star centri a cœlo undique equaliter distare, atque potentiam Divinam sustentari; ut videre est Job. 26, 7.
Qui extendit aquilonem super inane, suspendit terram super nihilum... Quem locum hunc in modum explicat Osiander; Terra in medio concavitatis cœli quod pendet, & tamen nulli rei affixa est, ex qua pendeat, nisi ex immensa Dei potentia. Unde illud Poëta

Terra pilæ similis nullo fulcmine nixa:
Aëre subiecto tam grave pendet onus.

Quæ assertio hisce roboratur rationibus. Nam omne corpus grave ad centrum tendit; Terra est corpus gravissimum, quod in Thesi 18. probatum est. id ipsum hoc modo etiam potest ostendi. Si terrea pondera dimittantur non secundum lineas parallelas descendunt, sed quo longius abeunt, eò magis sibi mutuo appropinquant, adeo ut si nullum interpositum esset impedimentum in centro concurrerent ibique quiescerent. Hujus mutua inclinationis, nulla alia causa datur quam quod

quod singula pondera sua naturâ nitantur centrum occipare, quod non fieret, si in parallelismo nō deficerent. Deinde si Terra non sit in medio universi erit extra medium, vel in axe vel extra axem quo cunq; situ posito, semper sequeretur aequinoctia non apparitura eodem tempore omnibus hominibus terram incolentibus, & umbras, quæ in aequinoctijs proiecuntur, sole oriente & occidente in unam rectam lineam nō desituras. Notum deniq; est Sex signa Zodiaci, semper supra terram esse, & totidem infra delitescere; cœl. nq; in duo hæmisphæria æqualia secari, & tempus antemedianum pomeridiano æquari. Plures qui hujus rei desiderat rationes consulat velimus Mathematicos.

XXV. Octava prodit affectio Quies. Terra in medio mundi immota perpetuo quiescit. Causa v. immobilitatis terræ nativa ejus est gravitas, quæ cum sit maxima efficit ut terra locum maximè à cœlo remotum & dissumum h.e. medium mundi expetat, ibiq; quiescat, nec nisi per violentiam inde detrudatur. Hanc assertionem non modo veritas sacrarum literarum confirmat. Ut Eccl. cap. 1,4. Terra in seculum permaneat. Psal. 104, 7. Fundavit Terram supra bases suas ne dimoveretur in seculum & perpetuum. Sic Jos. 10,13. Solis statio pro summo habetur miraculo. Sed m. testimonium sensuum, omnium n. patet sensibus Terram stare & solem lunamq; cum reliquis stellis moveri. Si a. moveretur terra circulariter, in altum projecta non redirent perpendiculariter ad locum pristinum. Hinc sensum

dimittere in ijs, quæ sensibus manifestè obvia sunt &
rationem consulere, imbecillitas intellectus est.

XXVI. Nova tandem emergit affectio Ma-
gnitudo. Quantitas totius globi terreni conside-
rari potest vel Relatè vel Absolutè.

XXVII. 1. Relatè in respectu ad cœlum, est
terra instar puncti Physici. Quoniam unaqueq; stel-
la etiam minima, quæ visu notari potest totam terram
multoties magnitudine superat, ut Astrologi suis pro-
bant instrumentis, & tñ. ut punctum in firmamento
micat, unde Terra respectu Cœli multò minor erit.

XXVIII. 2. Absolutè & per se globus terre-
stris consideratus (ita tñ. ut aquam includat) ma-
gnam satis & insignem habet molis quantitatem.
Cum v. in Thes. 21. & 24. Certis argumentis proba-
tum sit terram esse sphæricam & centrum tenere uni-
versi, facile erit ipsius ambitum invenire. Ut si quis
sub meridiana rectâ progrediatur in septentrionem
& observet arcum cœlestem terrestri distantiæ duobus
locis interceptâ, respondentem ex altitudinis poli aut
stellæ inerratis differentiâ; Quæ est ratio arcus cœle-
stis ad suum circulum majorem; ea est distantiæ dua-
rum stationum ad telluris ambitum. At jam docent
moderni Mathematici suis observationibus miliaribus
15. Germanicis aut stadijs 500. partem unam maximâ
circuli correspondere; qualium totus est juxta eorum

hypothesin 360. gr. & ambitum Terræ esse milia-
rium Germanicorum 5400. stadiorum a. 180000.
cujus ambitus hoc modo potest inveniri. Ut i. gr.
ad 25. miliaria, sic totus circul⁹ 360. ad ambitum
terræ 5400.

XXIX. *Invento sic ejus ambitu non difficile erit
telluris diametrum inquirere; cum Mathematicis in
propatulo sit, omnis circuli peripheriam ad suam dia-
metrum habere propè rationem triplam sesquisepti-
mam; unde sic procedendum erit: Circumferentia
22. dat diametrum 7. quam diametrum dabit pe-
riphera 5400. Operatione juxta regulam pro-
portionis rectè peracta prodit telluris dimetiens
miliarium Germ. 1718²_{ii}. stadiorum a. 57272³_{ii}.*

XXX. *Sic Definitione Terra delibata, nūtimō restare vi-
detur, ut de ejus divisione agamus, verum cum variis variorum
authorum libellos inspicimus, experimur quosdam eorum terram
in plagam orientalem, meridionalem, occidentalem & septen-
trionalem. Alios in Europam, Africam, Americam.
Multosq; totum hunc orbem in orbes partiales, regiones, regna,
territoria, provincias, agros, civitates, urbes, oppida, castella, ar-
cas, emporia, vicos, pagos, villas & tuguria, distinguere. Nos
a. suas divisiones Cosmographis, suas Geographis, suas Politicis,
suis ceteris linquimus, & Terram prout à natura ipsa dividitur,
dividimus. 1. Continens terra est solida sive firma, que
tota sibi constat & coheret. 2. Insula est terra pars, que
undiq; aquis alluditur, ut Gothlandia, Oſilia, &c. 3. Peninsu-
la est terra undiq; ferè aquis clausa, & non nisi angusto tractu con-
tinens.*

tinentia annexa. 4. Isthmus est terra oblonga & angusta inter duo maria vel lacus existens. 5. Promontorium est mons in mari prominens, ejusque altitudinem longe superat, dicitur alias caput. V. g. caput bona spei. 6. Mons est terra eminens & in altum intumescens. 7. Collis est q: monticulus aliquis leviter assurgens & prominens. 8. Vallis est terra plana inter duos montes conclusa. 9. Convallis est terra undiq: collibus ac montibus interjecta & comprehensa. 10. Campus est terra plana a montibus & collibus libera. 11. Sylva est terra arboribus condecorata. 12. Littus securi: pae est terra, quia ab aquis tangitur. 13. Ora est terra mari: nitima. 14. Portus est terra in mari sita, e qua merces ex: portantur, & in quam reportantur.

Materia huic nobilissima ventilatione q: dignissima, brevitiati studen: tes finem imponimus. Tibi o Deus sempiterne coeli terraeq: conditor ac con: servator humilissimas agimus gratias, quod nos non modo creasti, sed & paterna tua gratia in hisce terris sustentasti et conservasti. Defende o Deus be: nignissime Patriam nostram dulcissimam numinis tuo sancto adversus omnium nostrorum inimicorum insultus, insidias ac impetus; sic ut nos in periculissimo ac turbulentissimo huius vite pelago navigium vitæ nostræ ita diti: gamus, ut tandem te duce in portum ecclœstem, terram vñ. novam, ac ter: ram viventium lati se triumphantes veniamus, ibique cum omnibus sanctis te colleudemus.

COROLLARIA.

Præter hujus Disputationis Materiam scitu jucun: dam ac necessariam, mantisse loco sequen: tes addimus questiones.

1. An cognoscat Deus res creatas omnes, quæ sunt in mundo? Affir.
2. An Angeli cognoscant futura, ut & cog: tationes humanas? Affir. Dist.

3. An Anima rationalis sit immortalis? Affir.
 4. An Ethica ex scriptis dextrè Philosophantum tradita, sit in Scholis Christianorum toleranda? Affir.
 5. An Mundus secundum substantiam, an verò tantum secundum qualitates destruendus sit? Affir. prius. Neg. post.
 6. An omnis operatio sit à Formâ Aff. Dist.
-

Ornatissimo atq; Politissimo,

Dn., JOHANNI L. KLINGIO.
De TERRA Physicè & doctè disputanti
paucis hisce amicè gratulabar.

Terra dedit nobis ortum: Dat vivere terra,
Unde queant homines, brutaq; plantæ itidem.
Terram calcamus: Terraq; recondimur olim;
Transacto cursu terra cubile manet.
Ergò juvat merito, Klingi suavissime terram.
Pendere: quò ad cœlum dulce paretur iter!
Terram cum tristes, animus non terrea capitat;
Quæ solum terræ filius omnis amat.
FORMAS vidisti quot homo tenet imperiorum;
Ortum nunc paustumq; hospitium, requiem.
Ingenij pergas tales formare colosso;

Terra licet corpus, non tamen bosce premet.

L. mq;
MICHAEL O. WEXIONIUS,
P. P.